



Na osnovu člana 5. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 9/07 - Prečišćeni tekst, 7/08 i 33/08), Ministarstvo za boračka pitanja Kantona Sarajevo raspisuje

J A V N I O G L A S
za podnošenje zahtjeva za ostvarivanje određenih prava
porodica šehida i poginulih boraca, ratnih vojnih invalida
i demobilisanih boraca u Kantonu Sarajevo za 2012.godinu

I. Podnošenje zahtjeva

Na ovaj Javni oglas zahtjeve mogu podnositi lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 9/07 - Prečišćeni tekst, 7/08 i 33/08); ratni vojni invalidi i članovi njihovih porodica, članovi porodica šehida, članovi porodica poginulih umrlih i nestalih branioca, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, ratni vojni zarobljenici i demobilizirani branioci sa područja Kantona Sarajevo, koji ispunjavaju uslove propisane navedenim Zakonom, za ostvarivanje prava i to:

1. Zdravstvena zaštita;
2. Medicinska rehabilitacija:
 - a) banjsko liječenje,
 - b) klimatsko liječenje;
3. Naknada putnih troškova i troškova za liječenje u inostranstvu;
4. Prava po osnovu preostale radne sposobnosti;
5. Prioritet u zapošljavanju;
6. Novčana pozajmica za otvaranje radnih mjesta;
7. Prvenstvo upisa u obrazovne ustanove i besplatno školovanje;
8. Stipendiranje;
9. Uklanjanje arhitektonsko-urbanističkih barijera za ulazak i korištenje stana u invalidskim kolicima;
10. Oslobođanje obaveze plaćanja naknade za pogodnost (renta) i naknade za uređenje građevinskog zemljišta:
 - a) nova individualna gradnja,
 - b) kolektivna gradnja;
11. Oslobođanje obaveze plaćanja naknade za pogodnost (renta) i posebne naknade u procesu legalizacije objekata izgrađenih bez odobrenja za građenje i građevina privremenog karaktera;
12. Pravo na snošenje troškova plaćanja naknade za građevinsko zemljište za izgradnju individualnih stambenih objekata za potrebe boraca-branitelja BiH;
13. Pravo na izgradnju stana;
14. Dodjela sredstava za rješavanje stambenih potreba:
 - a) dugoročna beskamratna novčana pozajmica,
 - b) jednokratna bespovratna sredstva (dodjela građevinskog materijala, izvođenje građevinskih radova i pružanje građevinskih usluga, udruživanje sredstava za kupovinu stambene jedinice);
15. Dodjela sredstava za održivi povratak;
16. Pravo na stan u vlasništvu;
17. Besplatna i povlaštena vožnja;
18. Naknada troškova dženaze - sahrane;
19. Podizanje nišana - nadgrobnog spomenika;
20. Pravo na mjesečna novčana primanja za nosioce najviših ratnih priznanja, ratne vojne invalide kojima je priznato pravo na dodatak za njegu i pomoć od strane drugog lica i nosioce „Partizanske spomenice 1941.“ i djecu šehida-poginulog borca-branitelja bez oba roditelja za vrijeme nezaposlenosti do zasnivanja radnog odnosa;

21. Novčana naknada za vrijeme nezaposlenosti;
22. Prednost pri zakupu i otkupu poslovnog prostora pod jednakim uvjetima;
23. Pravo na besplatne obavezne udžbenike za redovno školovanje, školski pribor i užinu;
24. Prednost pri smještaju u đačke i studentske domove;
25. Prednost pri korištenju programa nadležnih zavoda za zapošljavanje;
26. Prioritetno pravo za rješavanje stambenog pitanja pod jednakim uvjetima;
27. Pravo na besplatni priključak na infrastrukturne mreže (voda i kanlizacija, električna energija, gas);
28. Pravo na dodjelu jednokratne novčane pomoći kroz:
 - plaćanje troškova vanrednog školovanja,
 - dodjelu prehrambenih i higijenskih artikala,
 - dodjelu novčanih sredstava za rješavanje socijalnih potreba i
 - plaćanje troškova stanarine;
29. Pravo dobitnika ratnih priznanja ili odlikovanja na obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti;
30. Pravo na obezbjeđenje ogrijeva;

II. Mjesto podnošenja zahtjeva

Za priznavanje i ostvarivanje prava navedenih u tački I pod rednim brojevima: 1., 2.a, 4., 9., 10.a, 11., 17., 18. i 20. zahtjevi se podnose općinskoj službi za boračko-invalidsku zaštitu, prema mjestu prebivališta, koja donosi odgovarajuća rješenja.

Za priznavanje i ostvarivanje prava u tački I pod rednim brojem 10.b zahtjeve za refundaciju sredstava Ministarstvu za boračka pitanja Kantona Sarajevo (u daljem tekstu: Ministarstvo) podnose pravna lica, koja se bave izgradnjom stanova za potrebe boračke populacije.

Za priznavanje i ostvarivanje prava navedenih u tački I pod rednim brojem 13. zahtjevi se podnose Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (ul. Hivzi Bjelavca br.54, 71000 Sarajevo), uz prethodnu preporuku Ministarstva.

Za priznavanje i ostvarivanje prava navedenih u tački I pod rednim brojem 19. zahtjevi se podnose Fondu Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida (ul. Širokac br.22, 71000 Sarajevo).

Za priznavanje i ostvarivanje prava navedenih u tački I pod rednim brojevima: 21. i 25. zahtjevi se podnose nadležnoj službi za zapošljavanje, prema mjestu prijave u evidenciju nezaposlenih.

Za priznavanje i ostvarivanje prava navedenih u tački I pod rednim brojevima: 8. i 23. zahtjevi se podnose Fondu Kantona Sarajevo za stipendiranje i školovanje djece boraca, poginulih boraca i poginulih civila-žrtava rata „IKRE“ (ul. Hamdije Kreševljakovića br.61, 71000 Sarajevo).

Prava navedena u tački I pod rednim brojevima 2.b i 30. se ostvaruju putem kantonalnih boračkih udruženja.

Za odobravanje i ostvarivanje ostalih prava navedenih u tački I pod rednim brojevima: 3., 5., 6., 7., 14., 15., 16., 22., 24., 26., 27., 28. i 29. zahtjevi se podnose Ministarstvu za boračka pitanja (ul. Reisa Dž. Čauševića br.1, 71000 Sarajevo).

III. Rok podnošenja zahtjeva

- Zahtjevi za prava iz tačke I navedena pod rednim brojevima: 1., 2., 3., 4., 5., 7., 9., 10., 11., 13., 15., 16., 17., 18., 19., 20., 21., 22., 23., 24., 25., 26., 27., 28., 29. i 30. podnose se kontinuirano tokom godine, a u zavisnosti od raspoloživih namjenskih budžetskih sredstava;
- Zahtjevi za prava iz tačke I navedena pod rednim brojevima: 6., 12. i 14. podnose se po posebno objavljenim Javnim pozivima - oglasima Ministarstva;
- Zahtjevi za pravo iz tačke I pod brojem 8. podnose se po objavljenom Javnom pozivu Fonda Kantona Sarajevo za stipendiranje i školovanje djece boraca, poginulih boraca i poginulih civila-žrtava rata „IKRE“.

Svi zahtjevi koji se podnose po objavljenom Javnom pozivu - oglasu će se rješavati, odnosno odobravati samo ako su podnešeni u vremenu trajanja Javnog poziva ili oglasa.

IV. Sredstva za finansiranje prava

Sredstva neophodna za finansiranje navedenih prava planirana su u Budžetu Kantona Sarajevo za 2012. godinu u razdjelu Ministarstva i Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida.

Obim ostvarivanja ovih prava zavisit će od ukupno raspoloživih budžetskih sredstava.

Obrasci za podnošenje zahtjeva za prava koja se ostvaruju u Ministarstvu mogu se preuzeti na info punktu u pisarnici Kantona Sarajevo ili na web stranici Ministarstva (<http://mbp.ks.gov.ba>).

Dodatne informacije mogu se dobiti na info punktu i putem telefona 033/562-273.

Broj:06-14-1454/12
Sarajevo, 25.01.2012.god.

MINISTAR

Doc.dr. Nedžad Ajnadžić, s.r.



web: <http://mbp.ks.gov.ba>
e-mail: minbopi@ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

